

UNIVERZITET U SARAJEVU
- SENAT -

Broj: 0101-I-1155/06

Sarajevo, 06.09.2006. godine

Z A P I S N I K
SA 19. SJEDNICE SENATA
ODRŽANE 06.09.2006. GODINE

Prisutni članovi Senata: Prof. dr. Hasan Muratović, rektor, prof. dr. Ljerka Babić, prof. dr. Mensur Hajro i prof. dr. Nikola Kovač, prorektori, članovi Senata sa visokoškolskih ustanova: Prof. Nusret Pašić, prof. Marko Kovačević, prof. dr. Ahmet Hadrović, prof. dr. Dževad Šehić (po ovlaštenju Dekana), prof. dr. Kemo Sokolija, prof. dr. Hidajet Repovac, prof. dr. Nusret Smajlović (po ovalštenju Dekana), prof. dr. Šefkija Čekić, prof. dr. Elvira Kovač-Bešović, prof. dr. Ilija Tanović, prof. dr. Stjepan Marić, prof. dr. Osman Durić, prof. dr. Selma Ferović, prof. dr. Obrad Šarenac, prof. dr. Zlatko Hakl (po ovlaštenju Dekana), prof. dr. Mustafa Imamović, prof. dr. Muharem Avdispahić, prof. dr. Rifat Škrijelj, prof. dr. Nenad Tanović, prof. dr. Hajrija Konjhodžić, prof. dr. Faruk Mekić, prof. dr. Faruk Čaklovica i prof. dr. Faruk Dalagija, te prof. dr. Faris Gavrankapetanović (KCU), dr. Ismet Ovčina (NUB) i Denis Čamdžić, student.

Ostali prisutni: Doc dr. Nerzuk Ćurak (Fakultet političkih nauka), prof. dr. Almedina Zuko (dekan Veterinarskog fakulteta), Zoran Selesković, dipl.iuris, generalni sekretar, te izvjestioci po pojedinim tačkama dnevnog reda.

Odsutni članovi Senata: Prof. dr. Adnan Silajdžić, prof. dr. Samir Arnautović, prof. dr. Munib Maglajlić i prof. dr. Muhamed Zlatar.

Zasjedanje je počelo u 13,00 sati.

Predsjedavao je prof. dr. Hasan Muratović na čiji je prijedlog usvojen slijedeći

D N E V N I R E D:

1. Usvajanje Zapisnika sa 17. sjednice Senata od 03.07.2006. godine;
2. Prijedlog odluke o početku i trajanju nastave i ispitnim rokovima u školskoj 2006/2007. godini na visokoškolskim ustanovama Univerziteta u Sarajevu, za studente koji ne studiraju u skladu sa Bolonjskim procesom;
3. Prijedlog pravila studiranja za prvi ciklus studija na visokoškolskim ustanovama Univerziteta u Sarajevu, za studente koji studiraju u skladu sa Bolonjskim procesom;

4. Prijedlog pravilnika o polaganju ispita na visokoškolskim ustanovama Univerziteta u Sarajevu, za studente koji studiraju u skladu sa Bolonjskim procesom;
5. Prijedlog koncepta organizacije naučno-istraživačkog rada na Univerzitetu u Sarajevu;
6. a) Program razvoja postdiplomskog studija na Univerzitetu u Sarajevu;
b) Projekat implementacije ECTS kreditnog sistema na Univerzitetu u Sarajevu;
c) Projekat za izradu Programa razvoja naučno-istraživačkog rada na Univerzitetu u Sarajevu;
7. Prijedlog odluke o dopuni Odluke Senata Univerziteta u Sarajevu o formiranju Odbora za upravljanje kvalitetom na Univerzitetu u Sarajevu;
8. Prijedlog odluke o posebnom priznanju „Nagrada za životno djelo Univerzitetu u Sarajevu“;
9. a) Informacija o prijedlogu rasporeda prostora u dijelu Kampusa preuzetog od EUFOR-a;
b) Informacija o aktivnostima u Kampusu Univerziteta u Sarajevu od 30.06. do 10.08. 2006. godine;
10. Tekuća pitanja.

TOK SJEDNICE

Ad-1.

Jednoglasno je usvojen Zapisnik sa 17. sjednice Senata od 03.07.2006. godine.

Ad-2.

Nakon uvodnih obrazloženja prof. dr. Hasana Muratovića, jednoglasno je, u predloženom tekstu, donesena

ODLUKA

o početku i trajanju nastave i ispitnim rokovima u školskoj 2006/2007. godini na visokoškolskim ustanovama Univerziteta u Sarajevu za studente koji ne studiraju u skladu sa Bolonjskim procesom (tekst Odluke čini sastavni dio ovog Zapisnika).

Ad-3.

Prof. dr. Hasan Muratović iscrpno je obrazložio Prijedlog pravila studiranja za prvi ciklus studija na visokoškolskim ustanovama Univerziteta u Sarajevu, za studente koji studiraju u skladu sa Bolonjskim procesom.

Zatim su, u predloženom tekstu, jednoglasno donesena

PRAVILA STUDIRANJA

za prvi ciklus studija na visokoškolskim ustanovama Univerziteta u Sarajevu
za studente koji studiraju u skladu sa Bolonjskim procesom

(tekst Pravila čini sastavni dio ovog Zapisnika).

Ad-4.

Prof. dr. Hasan Muratović obrazložio je obavezu donošenja, a u skladu sa odredbama Zakona o izmjenama i dopunama Zakona o visokom obrazovanju Kantona Sarajevo, Pravilnika o polaganju ispita na visokoškolskim ustanovama Univerziteta u Sarajevu. Pojasnio je da navedeni Pravilnik donosi Upravni odbor na prijedlog Senata Univerziteta. Nakon toga je, poslije kraće rasprave, utvrđen **Prijedlog pravilnika o polaganju ispita** na visokoškolskim ustanovama Univerziteta u Sarajevu za studente koji studiraju u skladu sa Bolonjskim procesom. (Prijedlog pravilnika čini sastavni dio ovog Zapisnika).

Prof. dr. Hasan Muratović je, povodom naprijed utvrđenog Prijedloga pravilnika o polaganju ispita, podsjetio dekane visokoškolskih ustanova da je sa studentima potrebno sklopiti ugovor o studiranju. Fakultetima će, od Rektorata, biti dostavljen mogući tekst ovog ugovora.

Ad-5.

Prof. dr. Hasan Muratović obavijestio je prisutne da su na izradi Koncepta organizacije naučno-istraživačkog rada na Univerzitetu u Sarajevu radili naši timovi, odnosno stručne službe.

Prof. Marko Kovačević je postavio pitanje da li je navedenim konceptom obuhvaćeno područje umjetničko-istraživačkog rada, jer se iz priloženog to ne može zaključiti. Prof. dr. Mensur Hajro je odgovorio da je dogovoreno da područje naučno-istraživačkog i umjetničko-istraživačkog bude postavljeno ravnopravno, te da će se u tom smislu izvršiti potrebne korekcije u materijalu.

Zatim se vodila rasprava u kojoj su učestvovali: prof. dr. Hidajet Repovac, prof. dr. Nenad Tanović, prof. dr. Hasan Muratović i prof. dr. Mensur Hajro.

Po okončanju rasprave Koncept organizacije naučno-istraživačkog rada na Univerzitetu u Sarajevu usvojen je sa prijedlozima iznesenim u raspravi.

Ad-6.

- a) Usvojen je Prijedlog programa razvoja postdiplomskog studija na Univerzitetu u Sarajevu.
- b) Također je usvojen i Projekat implementacije ECTS kreditnog sistema na Univerzitetu u Sarajevu.
- c) Povodom Projekta Programa razvoja naučno-istraživačkog rada na Univerzitetu u Sarajevu, svoje viđenje iznio je prof. dr. Muharem Avdispahić.
Prof. dr. Hasan Muratović je, u skladu sa stavovima prof. dr. Muharema Avdispahića, konstatovao da će autori materijala izvršiti popravke u ovom materijalu.

Ad-7.

Jednoglasno je donesena

ODLUKA

kojom se vrši dopuna Odluke Senata Univerziteta u Sarajevu o imenovanju Odbora za upravljanje kvalitetom na Univerzitetu u Sarajevu, tako da je navedeni sastav Odbora slijedeći:

1. Prof. dr. Samir Arnautović, Grupacija humanističkih nauka
2. Prof. dr. Nijaz Bajgorić, Grupacija društvenih nauka
3. Doc. dr. Samir Čaušević, Grupacija tehničkih nauka
4. Prof. dr. Jasminko Huskić, Grupacija medicinskih nauka
5. Prof. Metka Kraigher-Hozo, Grupacija umjetnosti
6. Prof. dr. Dubravka Šoljan, Grupacija prirodno-matematičkih i biotehničkih nauka
7. **Prorektor za nastavu**
8. **Prorektor za naučno-istraživački rad**
9. **Prorektor za međunarodnu saradnju**
10. **Generalni sekretar Univerziteta u Sarajevu**
11. **Predstavnik studenata** (Denis Čamdžić)
12. **Predstavnik studenata** (Edin Čaušević) i
13. **Predstavnik univerzitetske Službe** (centar za kvalitet).

Ad-8.

Prof. dr. Hasan Muratović detaljno je objasnio potrebu za donošenjem Odluke o posebnom priznanju „Nagrada za životno djelo Univerziteta u Sarajevu“ i obrazložio Prijedlog teksta navedene odluke. Istakao je također da će Pravilnik o kriterijima za dodjelu ovog priznanja donijeti Upravni odbor Univerziteta.

Zatim se o ustanovljavanju navedenog priznanja vodila iscrpna rasprava u kojoj su učestvovali: prof. dr. Kemo Sokolija, prof. dr. Nenad Tanović, prof. dr. Ahmed Hadrović, prof. dr. Osman Durić, doc. dr. Nerzuk Ćurak, prof. dr. Hidajet Repovac, prof. Marko Kovačević, prof. dr. Obrad Šarenac, prof. dr. Faruk Čaklovica, prof. dr. Faruk Mekić, prof. dr. Selma Ferović i prof. dr. Rifat Škrijelj.

Nakon okončanja rasprave, uz 1 glas „protiv“ donesena je

ODLUKA

kojom se za izuzetne naučne rezultate, promoviranje naučnih i umjetničkih disciplina i struke, te prenos znanja, posebno odgoja mladih stručnjaka u oblastima koje su zastupljene na Univerzitetu u Sarajevu, Univerzitet dodjeljuje posebno priznanje „Nagrada za životno djelo Univerziteta u Sarajevu“ (u daljem tekstu: Nagrada).

Nagrada se dodjeljuje nastavnicima Univerziteta, za vrijeme rada na Univerzitetu ili nakon odlaska u mirovinu.

Nagrada se ne može dodjeljivati posthumno.

Postupak dodjele Nagrade, kriterije za dodjelu, izgled diplome i vrijednosti novčanog dijela Nagrade, te ostala pitanja vezana za dodjelu ovog priznanja Univerziteta, utvrđuje Upravni odbor Univerziteta posebnim Pravilnikom.

* * *

U skladu sa stavovima istaknutim u raspravi, a povodom naprijed donesene Odluke, zaključeno je da se o Pravilniku koji će donijeti Upravni odbor Univerziteta, prethodno obavi rasprava na grupacijama, a zatim na Senatu.

Osim toga, zaključeno je da se pripremi i akt kojim će se regulisati dodjela i drugih priznanja Univerziteta u Sarajevu.

Ad-9.

Nakon kraće rasprave u kojoj su učestvovali: prof. dr. Hasan Muratović, prof. Marko Kovačević i prof. dr. Elvira Kovač-Bešović, prihvaćene su:

- a) Informacija o prijedlogu rasporeda prostora u dijelu Kampusa preuzetog od EUFOR-a i
- b) Informacija o aktivnostima u Kampusu Univerziteta u Sarajevu od 30.06. do 10.08. 2006. godine.

Ad-10.

Na zahtjev Centra za interdisciplinarne postdiplomske studije Univerziteta u Sarajevu, donesena je

ODLUKA

kojom se odobrava upis IV generacije studenata magistarskog studija pod nazivom „Upravljanje državom i humanitarni poslovi“.

Sjednica je završena u 15,00 sati.

REKTOR

Prof. dr. Hasan Muratović

Zapisničar:

Jasna Bundalo, dipl.iur.